

摘藻堂四庫全書薈要

史部

欽定四庫全書叢要

史部

硃批諭旨卷二百

三十一

詳校官編修臣繆晉



欽定四庫全書薈要卷八千六十七

史部

硃批諭旨卷一百三十

硃批陳天培奏摺

雍正二年六月初一日江南崇明水師總兵官

臣

陳天培謹

奏為

聖治彌隆海疆寧謐事竊臣於二月初一日帶領官兵
駕船出洋巡哨五月以來風恬浪靜盜息民安商



漁船隻往返游行毫無阻礙臣身任封疆覩此昇平之象不勝踴躍歡忭為此繕摺奏

聞謹

奏

知道了勉力做好官以副朕委任之意

雍正二年七月二十二日江南崇明水師總兵官

臣陳天培謹

奏為海潮泛溢田地被淹事竊查七月十八日夜天

降大雨陡起颶風海潮湧溢崇明闔邑田地盡被
水淹海邊居民房舍多被漂沒內地屋宇幸保無
虞其風勢至二十日稍緩潮水漸退崇明城內水
深四五尺不等臣督令文武屬員晝夜防護仰賴
我

此賴爾地方文武平日恤兵愛民所以得保全城不至
皇上洪福齊天得保全城但崇明所種稻穀木棉被水
成災也

淹浸收穫無幾人民難免乏食臣已咨報督臣查

弼納署撫臣何天培聽候委員查勘設法賑濟外

所有被災情形理合繕摺奏

聞謹

奏

所奏已悉據督臣查弼納奏到已有旨矣

雍正三年六月初一日江南崇明水師總兵官

臣

陳天培謹

奏為恭謝

天恩事竊臣齎摺千總捧回

欽賜福字到崇臣郊迎至署恭設香案望

闕叩頭謝

恩祇領訖伏念臣身任封疆寸長未效荷蒙

天貺頻加

宸章寵錫循分思省彌切慚惶惟有矢竭駑駘益勵職

守以仰報

高深於萬一耳為此繕摺恭謝

天恩謹

奏

知道了爾之整飭營伍實心盡職處朕皆悉知惟操守一節輿論不一其加勉毋忽

雍正四年六月初二日江南崇明水師總兵官

臣

陳天培謹

奏為奏

聞事竊臣於二月初一日帶領官兵駕船出洋往返遊

巡仰賴我

皇上恩威遠播風恬浪靜宵小潛蹤至於崇明地方雨
暘時若二麥豐登咸頌

一人有慶羣歌

萬壽無疆臣目擊輿情歡悅不勝欣忭理合繕摺奏

聞謹

奏

據奏崇邑豐收洵所謂否極泰來也當加意撫恤兵民
勉之更勉

雍正五年六月初二日江南崇明水師總兵官

臣

陳天培謹

奏為奏

聞事竊臣於二月初一日帶領官兵駕船出洋遊巡五
月以來海疆寧謐商賈無虞至於崇明地方二麥
豐收萬民樂業皆由我

皇上仁德覃敷之所致也理合繕摺奏

聞謹

奏

覽奏朕深為慰悅但當安益求安勉盡職守不可稍有肆志也

雍正五年十二月初二日江南崇明水師總兵官

臣陳天培謹

奏為恭繳

硃批諭旨事竊臣荷蒙

皇上欽賜

御書魏徵十思疏又蒙

恩賞福字業經具摺恭謝

天恩所有春哨地方情形亦經具摺奏

聞俱蒙

皇上硃批到臣臣隨即恭設香案叩頭祇領訖理合將

奉到

硃批繕摺恭繳謹

奏

覽

朕欲擢用爾為浙江提督但崇明一鎮甚屬緊要尚在
未定若一得人即命爾往浙爾此任甚好至新任時全
省所繫綦重當更加十分勉力也

雍正六年四月十八日浙江提督

臣陳天培謹

奏為奏明事竊

臣蒙

皇上隆恩補授浙江提督到任後查看五營兵丁其人
材雖多少壯然弓箭鳥鎗藤牌等技盡屬生疎演

列陣勢亦未純熟

臣

現在立限教演務期精銳惟

有營中馬匹率皆疲瘦不堪難以差操其缺額者

一時驟難買補

臣

細訪其由皆緣藩庫內官朋銀

兩不肯預為支借而調任提

臣

石雲倬又過於拘

謹不肯向布政司商借朋銀差員赴張家口採買

惟遵隨倒隨補之例零星領出朋銀在杭州買補

殊不知杭州非產馬之地買回者皆退槽勞傷馬

匹疲瘦不堪且又易於倒斃

臣

愚請於每年五月

終向藩庫借出本年應領朋銀差員赴張家口買馬回營分給兵丁不獨營中皆有好馬差操而藩庫亦無虧損一轉移間則於營伍大有裨益矣是
否可行伏乞

皇上批示以便欽遵謹

奏

南方馬匹原係難處之事與督臣商酌而行

同日又

奏為微臣親查營汛以勵官兵以整戎行事竊臣蒙

我

皇上補授浙江提督任大責重時慮隕越伏念浙江地
方山海交錯若非親歷其境則山川形勢之險易
終屬懸揣全省屬員之賢否不能徧知臣愚以為
必得親自巡查庶將弁之賢不肖方能盡悉且灼
知山川形勢之險易設防安汛似可布置合宜伏
乞

皇上御批准行臣即當不時輕裝減從詳加查閱務使
戎行整飭萬姓安寧以仰酬

聖恩於萬一理合繕摺具奏伏乞

皇上睿鑒施行謹

奏

諸務與督臣會商而行如應具題即具本題明可也

同日又

奏為恭懇

聖恩准調能員以資任用事伏念臣本才識短淺今當
提督重任經理浙江全省地方必得才具優長之
員委任助理庶可漸收實效臣查江南崇明鎮標
右營遊擊顧金策奇營守備邵廷瑞左營千總吳
悅江南提標右營遊擊葛世雄松江城守營把總
王三元湖廣鎮軍鎮標右營遊擊王進昌此六員
者臣盡知其素行熟悉所長伏乞

皇上准臣調來浙省遇缺補用一轉移間於地方營伍

大有裨益矣仰懇

皇上批示以便欽遵謹

奏

隔省調員不可何營非要地何省不需好員若陸路之
升負有識水性者調補水師尚可亦與督臣商定會題

雍正六年四月二十六日浙江提督臣陳天培謹

奏為奏明事竊臣於本年四月二十三日准福建提

臣石雲倬密書一封內單一紙將伊浙提任內奏

摺三件并欽奉

硃批諭旨等因鈔錄到

臣臣

查所奏浙省各鎮營環山

抱海應須親歷其境方可因地制宜一事

臣於未

准密書之前已具摺

奏請親查惟候

諭旨欽遵至於處州鎮

臣

王安國奏明四季遊巡一事

督臣李衛曾議及恐累鄉民此語雖甚得情然屬

員難以輕信據

臣

管見不必拘定四季莫如輕裝

不時巡查之為便也又查先發隨糧等事案內浙屬各營已造之軍裝甲械經調任提臣石雲倬親驗之後又送督撫衙門驗過若再行調驗反覺煩擾惟俟我

皇上准臣親查營汛之時就近點驗似覺妥便其接造之甲械容臣陸續驗明之後自當仍送督臣查驗至於各營公糧冊籍現在催取尚未報齊一俟催齊即當按營確查繕具密摺奏

聞為此繕摺謹

奏

實力敬慎為之可也凡料理一切事務不必要見已長只秉公盡力辦去辦理合宜長在其中矣從來一動不如一靜過猶不及更改損益皆出於不得已補偏救弊之術但毋致因循廢弛可耳若無事尋事反為不美矣勉之

雍正六年六月二十九日浙江提督

臣

陳天培謹

奏為恭謝

天恩事竊

臣

齎摺把總恭捧

欽賜孔雀翎緯帽一頂紫金錠藥一匣到寧臣隨郊迎

至署望

闕叩頭謝

恩祇受訖伏念

臣

猥以庸劣菲材屢沐

皇仁不啻如天覆冒茲復蒙

寵賚稠疊

天恩有加無已

臣惟有頂戴

皇仁廣敷

聖澤以期仰報

高厚於萬一耳理合繕摺恭謝

天恩謹

奏

覽

將一切私腸屏除淨盡惟存一公字而誠以行之何事

不可辦集耶竭力勉之

同日又

奏為敬陳管見仰祈

睿鑒事一領支兵餉之宜變通也臣查浙省兵餉向例

俱係藩庫行府於各屬地丁銀內就近兌支逐月

給兵自原任福浙督臣梁鼎

題請改歸司庫著為

定例欽遵在案自此通省兵餉俱於季中盡赴司庫

支領竊思前督臣梁蘊所題實緣坐縣兌餉耗羨不能歸於藩庫之故今臣查浙省十一府除杭州府附郭不議外其嘉湖嚴紹金衢六府亦離省相近惟寧台溫處四府其間距省寫遠水陸夫船腳價悉屬營員捐用臣愚以為不若仍歸各縣解府兌支在營員既省盤運之勞而各縣亦免解省之費多有如此奏請者此事萬不可行

直省多有一轉移間文武均有裨益矣又查各縣解司銀兩有一定之大耗臣請各縣於支給兵餉若干

之中有應解之耗銀若干仍照例扣解則於藩庫

亦無虧缺之虞伏懇

國家

事惟應講求

是當須擇其大者遠者而行之官兵

皇上敕部或敕浙江督臣詳議將浙省兵餉改歸府庫

一時

之感悅何足重輕所見卑鄙不識大體之至

逐月兌支則文武官兵均沐

皇仁於不朽矣一浙省郡縣河道亟宜疏濬也臣查浙

江十一府惟杭嘉湖三屬之河道淤塞者荷蒙

皇恩現在開濬其嚴金衢處四府多屬溪河其雨澤之

多寡惟聽諸天原非人力所能蓄洩者至如寧紹

台溫四府內除紹郡之蕭山山陰會稽三縣河港繁多間有淺處其寧台溫三府負山濱海河道無多有河處所全在平時蓄水庶可禦旱無如紹屬之上虞餘姚二縣河道甚屬淺窄寧波一府河道亦屬淺窄并多淤塞是以今歲自五月初旬大雨之後迨至月終不過二十餘日天未降雨四鄉農民輒以亢旱紛紛見告揆厥所由皆緣水利不舉之故伏乞

浙省有李衛如此總督治理何煩朕敕諭又何煩女輩
皇上敕部或敕浙江督臣妥議確勘設法疏濬務期故
之撓越耶此舉李衛早經奏聞矣

道盡皆深濶並酌量修建壩閘以導水源以資蓄
洩使浙省農民永沾水利則我

皇上之深仁厚澤昭垂於萬萬世矣理合繕摺陳明伏
乞

睿鑒施行謹

奏

覽

雍正六年九月十三日浙江提督臣陳天培謹

奏為奏明收過公糧製辦軍械總數仰祈

睿鑒事竊臣於雍正六年三月十九日到浙任事於五

月二十四日接准浙江督臣李衛咨為公糧之奏

定已久收用之確數宜清等事內開准前任提督

石雲倬咨開各標鎮協營公糧製造軍械應於年

底彙核

奏報因奉

命調繁已將稽查不及緣由并浙省現造甲械旗幟約
畧彙敘

奏明祈飭各營查造細冊通送察考等因前來查通
省現造旗幟甲械

奏報之後續又造完何項旗甲若干并開銷料價銀
數若干之處應需彙報今准調任提督石雲倬知
會此案摺

奏緣由又經奉

旨交與提督在案擬合咨明應聽貴衙門主稿

奏報并准調任提督石雲倬知會遵

旨交

臣

接辦等因各到

臣

准此

臣

接任以來陸續查據

各鎮標協營將收過公糧細數及新造修整過軍
裝甲械料價數目冊報前來合計通省自雍正五
年四月分起至六年二月止先後收過公糧及公
糧一時未足各官捐墊隨丁餉銀糧米共銀一萬
三千二百一十兩零所有新造修整過軍裝各項

通共用過銀一萬五千八百六兩零將收存銀米
抵用外實透用銀二千五百九十六兩零即將雍
正六年三月以後所收公糧銀米抵項臣於八月
內已將通省各營冊檔敘為總冊移送督臣會核
續准督臣咨稱覆核相符等因到臣除將自臣到
任起至年底止續收續造各項容臣於下年接續
奏報外理合將調任提臣石雲倬任內修製軍械數
目先行

奏明伏乞

睿鑒謹

奏

此奏殊屬庸愚不達亦可謂不體朕之至朕日理萬幾
何暇覽爾營伍細帳況將該督咨文盡叙入奏中亦甚
失體爾自蒞任提督以來覺有張皇失措光景前諭甚
明何不聽受遵奉乃事事欲自立主見動輒煩瀆朕聽
觀爾必與督臣不協欲借曾經奏聞四字以相要挾之

意若果存此見爾則大謬矣

雍正七年六月初九日浙江提督臣陳天培謹

奏為選補能員以資整頓事竊照寧海營叅將袁漢
左營守備王仲廢弛營伍經督臣李衛會疏

題叅奉

旨革職在案臣查寧海地方山海交錯且該營前既廢
弛必須精明強幹之員庶足膺此職任遍查浙省
遊擊內能勝此任者實少商諸督臣李衛選有江

南提標右營遊擊葛世雄操兵緝盜頗稱嚴肅堪
膺寧海叅將之任第李衛正報丁艱不及具

題臣又無隔省

題補之例謹先行具摺

奏明其遊擊葛世雄應否

題補寧海營叅將員缺伏乞

皇上批示以便欽遵再有寧海左營守備一缺臣並查

有奉

命來浙之候補守備倪存質徐良棟仰懇我

皇上欽點一員補授俾之協辦營務庶臣得收臂指之

效矣理合一併具摺奏

聞伏乞

皇上睿鑒施行謹

奏

寧海參將例應部推之缺況爾奏已遲業經補授有人
矣至倪存質等二人理應題補者何必又多此一番瀆

奏耶

硃批諭旨卷一百三十

欽定四庫全書薈要卷八千六十八

史部

硃批諭旨卷一百三十一

硃批宋可進奏摺

雍正三年三月初一日署陝西涼州總兵官

臣宋

可進謹

奏恭請

皇上聖安

臣

於雍正三年二月二十九日據

臣

子新補

河南開封府都司宋愛在京蒙

皇上頒賜臣

御書福字一幅差家人捧齋到涼臣恭設香案望

闕叩頭謝

恩祇領訖又據臣子密稟於雍正二年十二月二十五

日荷蒙

皇上訓諭諄諄周詳懇摯臣何人斯得邀

聖恩成全至此也伏念臣邊鄙庸陋仰荷

皇上擢用總兵今臣子宋愛在侍衛行走寸長未效又

蒙

特恩補放都司

臣

與

臣

子不識何修邀此

異數雖捐糜頂踵實難圖報茲復蒙

天恩頒賜

臣

御書福字

臣

跪領之下瞻仰

宸翰不勝歡忭惟有朝夕供奉傳為至寶永戴
高厚之恩於生生世世耳理合繕摺奏

謝伏乞

皇上睿鑒謹

奏

年羹堯頗不喜爾爾須加意防範勿露破綻被伊指摘
爾於前冬去春為國効力建立如此大功伊忍若斯存
心待爾朕甚奇之然爾亦不可恃功驕傲或致舉動乖
違有干法紀較前更當自愛以圖永久受朕恩榮方是
至於都中權要概宜謝絕仗已一身魚靠朕知儘足保
全無虞何必結交若輩倘於其中少涉沾染徒有害而

無益也遇朕如是人主若輩豈能為爾作禍降福耶思之勉之

雍正三年七月十五日署陝西涼州總兵官臣宋可進謹

奏恭請

皇上聖安竊臣署理涼州總兵事務因番夷新定未敢請赴

闕廷瞻仰

天顏而犬馬戀

主愚誠夙夜惓惓未能稍釋茲於雍正三年四月二十

八日臣齋摺家人捧到

皇上硃批諭旨臣跪讀之下感激涕零前冬去春皆仰

賴我

皇上天威將士用命臣實無效力之處今荷蒙

聖慈鑒臣愚昧頒賜

訓旨惟有刻銘心肺時時警惕不敢少懈以報我

皇上知遇之洪恩於萬一耳所有原奉

硃批諭旨理合恭繳伏乞

皇上睿鑒謹

奏

知道了勉力做好官操守第一要緊切勿自恃有功舉
動或致放恣再者隆科多亦如年羹堯一般貪詐負恩
攬權樹黨擅作威福朕今差伊查量地畝爾向日雖曾
為伊屬員似此誑君背主小人相見時不須絲毫致敬

盡禮爾等內外大臣如果恪遵朕諭而行此等姦險不法之徒亦知有所愧悔若猶瞻顧小節私誼陽奉陰違則後來人仍以為權勢有益誰肯畏懼改易耶爾其遵奉毋違特諭

雍正三年九月初十日署陝西涼州總兵官臣宋可進謹

奏為微臣敬領

聖訓恭謝

天恩事雍正三年九月初八日

臣

齋摺把總捧到

皇上硃筆諭旨一道

臣

隨郊迎至署恭設香案望

闕叩頭謝

恩祇受訖跪讀

聖諭諄諄不禁感激涕零伏念

臣

一介武夫蒙我

皇上恩施疊沛俾

臣

由叅將以至今職受

恩深重未報涓埃今復蒙

皇上垂訓命

臣

廉潔持躬恪恭盡職和輯兵民撫綏疆

宇上遵

國憲下念身家仰見

皇上成全矜恤之盛心無微不至臣雖駑鈍素具丹誠

惟有銘心刻骨朝夕凜遵以仰報

聖主高厚之恩於萬一而已所有捧到

諭旨什襲珍藏奉為至寶理合繕摺叩謝

天恩伏乞

睿鑒謹

奏

爾係朕之功臣勉力照所奏遵循勿懈

同日又

奏為恭繳

諭旨事雍正三年九月初八日臣齋摺把總回涼捧到

皇上硃批奏摺臣跪讀

聖訓伏見我

皇上顧復提撕如

天覆地載無所不周臣何人斯受

恩深重至於此極臣惟有凜遵

聖諭砥礪廉隅不趨權要以恪守臣職仰報

天恩而已所有奉到

硃批奏摺理合恭繳謹

奏

爾能保全自己即為保全朕之顏面矣勉之

雍正四年二月十一日署陝西安西總兵官臣宋

可進謹

奏恭請

皇上聖安竊

臣受

恩深重未報涓埃惟有犬馬戀

主愚誠夙夜惓惓無時或釋今謹繕摺恭請

聖安伏祈

睿鑒謹

奏

朕躬甚安秋間即來見朕矣

同日又

奏為微臣戀

主情殷懇請

陞見事竊臣一介武夫極愚至陋疊受

皇上洪恩從未仰覲

天顏跪聆

聖訓區區孺慕之心積久彌切前署涼州總兵事務因

番夷新定未敢請赴

闕廷茲蒙

皇上命臣署理安西總兵事務臣抵任安西每念巖疆重地日夜滋懼又不敢遽請

陞見但臣戀

主情殷惓惓寤寐仰懇

皇上天恩允臣於孫繼宗回汎之日赴京

陛見庶犬馬私忱得以下遂矣理合恭摺

奏請伏乞

皇上睿鑒謹

奏

已用爾為古北提督矣赴新任時就近來京甚便但安
西地方緊要勿因暫時署理稍有推諉懈弛候潘之善
到任後再來陛見可也潘之善署理川提尚需時日其
加意整飭一切營務安西係初設要鎮尤非他處可比
勉之慎之

同日又

奏為恭繳

諭旨事雍正三年十一月二十二日臣在署理涼州任
內有齋摺把總捧到

皇上硃批諭旨臣郊迎至署望

闕叩頭謝

恩跪讀

天語仰見我

皇上恩同覆載德婉生成臣以邊鄙武夫疊受

皇上洪恩擢用總兵自揣毫無寸效虛糜厚祿茲蒙

皇上格外天恩以功臣許臣敬聆之下惶恐無地驚

怖難安惟恪勤職守以敦臣節上報

聖主殊恩於萬一耳所有奉到

硃批諭旨理合恭繳謹

奏

惟功之一字朕亦不得私許須天下人公許方為定評

若能有功不伐則其功更著矣勉之

同日又

奏為恭繳

諭旨事竊臣奉到

皇上硃批奏摺跪聆

聖訓臣如夢覺醉醒不禁感激涕零自昔至今非臣自

能保全實賴

皇上顧復提攜保全微臣臣惟有仰戴

高厚竭盡駘以供職守圖報

聖主洪恩於萬一耳所有奉到

硃批理合恭繳叩謝

天恩伏祈

皇上睿鑒謹

奏

爾之功朕不可負朕之恩爾亦不可辜將此二語我君
臣時置於胷中庶幾保全始終耳

雍正五年十一月初六日陝西甘州提督臣宋可

進謹

奏為奏

聞事雍正五年十一月初五日淮安西鎮臣潘之善咨
稱本年十月二十九日據駐防柳溝堡守備報稱
本月十九日據把總張文元口稱據頭道溝塘兵
王朝信報稱有達子十數名將把總李良策在頭
道溝餒養安西馬匹趕去二百匹差小的沿塘報

來等情據此卑職即差張把總帶領兵丁三十名
追拏去訖理合報明等情又據本標中營紅旗何
清稟稱本月二十九日中營兵丁朱學等四名趕
馬飲水忽有達子七名各執器械前來趕馬兵丁
保護馬匹達子將兵丁衣服剝去止趕牛三隻隨
後沙窩裏又閃出達子二十餘名接替將馬竟趕
往東北去了把總李良策隨帶兵二十名跟趕各
等情據此本鎮即刻差守備千把帶兵二百名并

飭靖逆赤金二營各派兵丁尋蹤追拏訖查此項

賊夷恐係坤都魯佳牧之夷人打牲潛至境內偷

趕馬匹由北山一帶遁去事關營馬未便輕縱除

移咨肅州鎮即選派兵丁從金塔寺口外察黑包

上下石梯子羊頭泉三岔河等處堵截賊之去路

緝拏務獲俟馬匹趕回之日另咨外合先咨明等

因又准肅州鎮臣楊長泰咨稱准安西鎮咨同前

由隨遣弁兵分路堵截擒拏等因各咨移到臣臣

查賊夷趕去馬匹牛隻准鎮臣潘之善等咨稱已遣弁兵分路追拏況所趕馬匹有二百之多行走蹤跡必顯跟蹤追拏亦易除飛移安西肅州二鎮嚴飭遣去弁兵務將馬匹牛隻追回並賊夷拏獲究處俟追獲之日另摺具

奏所有賊夷趕去馬牛情由合先

奏明伏乞

皇上睿鑒謹

奏

覽奏知道了此風斷不可令其滋長不但所盜馬匹至如許之多即三二匹亦豈可隱諱不行嚴究乎

雍正五年十一月十二日陝西甘州提督臣宋可

進謹

奏為奏

聞事雍正五年十一月十一日淮安西鎮臣潘之善咨稱頭道溝餵養馬匹十月內被賊夷趕去即差備

弁尋蹤追趕緣由業已咨明在案今於十一月初五日據中營頭道溝餒馬管隊金必報稱已於布魯墩花海子等處地方獲馬一百一十五匹尚少九十匹等情正在具文移咨間又於初六日據前差把總胡發等報稱馬守備領兵於十一月初一日追至鹹泉子見賊夷飛奔前往馬守備即帶兵飛趕前去初二日先有把總張文元等同小的帶兵追至馬宗山打板賊夷與我官兵彼此放鎗見

後頭又有官兵到來隨即退去初三日兵分三起
跟蹤追趕至一百六十七里趕上賊夷有賊又在
沿山放鎗官兵直追前去亂山之中忽又添賊夷
一百餘人圍住官兵放鎗打仗隨有馬守備帶領
千把兵丁到來賊夷看見官兵隨即退去打仗之
處相離金鈎硤六十七里天色傍晚官兵下營駐
劄今先差把總等前來回話等情本鎮隨問此項
賊夷係誰家達子稟稱賊夷打扮是青海的達子

戴的白黑羊皮卧兔帽子穿的棉甲據此查前據
紅旗何清報稱偷馬之時二起止有達子二十餘
名今亂山之中忽閃出一百餘人竟敢與我官兵
打仗若料是策妄阿拉布坦的達子並未戴有高
裝帽子且伊差人新近前來修好未必就敢起釁
恐係土木札薩去年從西海上分去帶赴北套達
子聞得去年牲口乏弱潛住在土胡魯北大湖一
帶住牧休息牲口借打牲為名乘空偷盜又恐是

前在布隆吉住牧之阿拉蒲坦八素台同羅卜藏
丹津往投策妄阿拉布坦今聞伊在遼邊住牧或
乘隙由巴爾庫爾土胡魯前來偷趕馬匹妄生事
端均未可定本鎮於初六日復派原差來之把總
胡發帶兵一百五十名前赴金鈎碛接應去訖惟
恐賊夷再統賊衆前來復挑選兵丁派撥將弁預
備停當俟再有報來即速遣發以便勦殺擬合飛
咨等因又准肅州鎮臣楊長泰咨稱准安西鎮咨

同前由亦即預備將弁兵丁如有賊勢衆多信息
即便馳往同安西官兵合力勦殺合先咨移等因
各移咨到臣准此臣隨遣臣標署前營遊擊李遇
貴千總曹學懋馳赴安西協同追勦並查確情臣
仍選派臣標官兵及口糧軍裝等項俱已齊備俟
報到賊夷緩急情形一面酌量遣發擒勦一面另
摺具

奏所有前情理合奏

聞伏乞

皇上睿鑒謹

奏

審觀局勢青海夷人焉敢如是行為或係準噶爾有意
構釁亦未可定切囑追捕官兵極加謹慎防其引誘狡
謀也

雍正六年正月二十六日陝西甘肅提督臣宋可

奏為微臣自劾冒昧保舉人員請祈

敕部議處事竊照安西鎮標叅將仍留中營遊擊任衛

維康前臣蒙

天恩補授古北口提督赴京

陛見具摺密奏保舉荷蒙

皇恩擢用至叅將理宜感戴

天恩恪供職守竭盡心力辦理事務以期圖報萬一乃

輒敢違例妄行於百里之外餽養中營馬匹致被

賊夷趕去不職殊甚臣雖一面繕摺奏

聞一面咨會督臣岳鍾琪

題叅臣清夜自思從前冒昧密保臣之疎忽濫舉罪

實難遁理合繕摺自劾伏乞

皇上敕部將臣嚴加議處以為臣下保舉失人之戒為

此繕摺

奏請微臣不勝惶悚待

命之至謹

奏

不但此等疎忽之愆即或貪婪不法與爾何涉親生之子亦豈能保其始終如一耶況此事非有心之過執法以警其怠忽不慎固屬當然尚非不可寬恕之罪也

同日又

奏為恭謝

天恩事雍正六年正月二十三日

臣

齋摺把總回甘荷

蒙

皇上洪恩賜臣荷包一對貂皮二十張臣郊迎至署恭設香案望

闕叩頭謝

恩跪領訖伏念臣一介武夫至愚極賤一月之間叨蒙寵眷錫予便蕃

聖恩高厚感激難名惟有勉竭駑駘仰報恩施於萬一而已理合繕摺叩謝

天恩謹

奏

向後類此奏謝無庸一事一摺當彙集一摺具奏庶不煩瑣

雍正六年五月二十七日陝西甘州提督臣宋可
進謹

奏為微

臣

保舉失當繕摺自劾仰祈

敕部從重議處事竊

臣

前蒙

皇恩補授古北口提督赴京

陞見臣因西寧鎮海營叅將張嘉翰在西川守護城池辦事明白是以臣一時愚昧具摺密

奏保舉嗣蒙

皇上擢用肅屬永固城副將理應感戴

天恩勉力奉公以圖報答不意改行易轍藐法營私違例濫給家人食糧將紙紅銀兩入已紙張取用公費缺少軍中器械以致營伍廢弛茲臣察訪得實隨移督臣岳鍾琪會

題叅處訖臣之從前冒昧濫舉罪實難逭理合繕摺
自劾伏乞

皇上敕部將臣從重議處以為臣下濫舉人員之戒臣
不勝惶悚待

命之至謹

奏

前諭甚明能如是不偏袒回護遂非文過爾何罪之有

雍正六年七月初三日陝西甘州提督臣宋可進

謹

奏為奏明事竊照安西鎮標中營馬匹在頭道溝餵
養於雍正五年十月二十九日被賊夷偷去一案
業經臣節次具摺奏

聞今准鎮臣潘之善咨稱查出偷馬賊夷達什等十二
人係北套住牧巴濟公之弟阿害台吉下之人差
遣把總朱祿等前赴北套面質賊夷多寡數目茲
據回稱並准振武將軍宗室公等咨開訊據賊夷

達什等確供實係十二人偷馬並無別人等因本鎮始知從前差往追賊並報信備弁盡屬虛誕庸懦謊報除守備馬進榮已經革職遵

旨送京引

見訖所有追賊不力之把總沈國槐張文元並報信不實之把總胡發應請斥革以肅法紀等因前來

臣

除將把總沈國槐等三弁照例咨會督

臣

岳鍾琪

咨部斥革外所有查明偷馬打仗賊夷止係十二

人確情理合具摺

奏明伏乞

皇上睿鑒謹

奏

阿爾泰將軍處已得實據甚屬可惡業有旨矣

雍正六年九月十六日陝西甘州提督臣宋可進

謹

奏為恭謝

天恩事雍正六年九月初四日臣進摺家人回甘捧到
皇上賜臣蜜漬鮮荔枝一瓶臣隨郊迎至署恭設香案
望

闕叩謝

天恩領受訖竊臣邊遠武夫涓埃莫報荷蒙

皇上優渥隆恩頒賜佳品臣頂戴

高深曷勝感激臣不敢獨嘗謹分惠羣僚共沐

皇恩為此繕摺叩謝

天恩謹

奏

覽奏謝知道了

殊不料周開捷如此負恩無恥也招留中

雍正七年二月十八日陝西甘州提督臣宋可進

謹

奏為仰懇

皇上洪恩准臣領兵効力以圖報答稍盡微忱事竊臣

接准督臣岳鍾琪密咨今在臣標挑選馬戰兵一千八百名步戰兵六百名每兵一千名派千總四員把總六員管領以備調遣其領兵將備等官至期另議選派等因臣遵即照數挑選派出並軍裝器械預備齊全聽候調遣外臣思領兵提鎮大員督臣自必先期請

旨指示定派理應靜候微臣何敢冒瀆

宸聰緣臣蒙

皇上隆恩調補甘提重寄抵任至今已及二載坐享廩
祿毫無寸勞今值備兵聽調正臣報效之時謹將
下忱預為

奏陳仰懇我

皇上洪恩允臣所請臣得領兵効力行走頂感歡忻曷
其有極為此恭摺

奏請伏祈

皇上睿鑒俯賜

恩旨遵行謹

奏

督臣岳鍾琪既當遠出內地彈壓更屬緊要爾豈宜輕動遵旨行不必再奏

雍正七年閏七月十八日陝西甘州提督臣宋可進謹

奏為鎮臣年老悒憤恐致貽誤邊營臣謹據實奏聞仰祈

睿鑒事竊照寧夏鎮營地處沿邊極為衝要總兵一官
統率屬員有彈壓控馭之責臣訪得寧夏總兵官
郭成功年已七十二歲辦事昏憤且起坐維艱實
難勝任臣謹據實繕摺奏

聞伏祈

皇上睿鑒施行謹

奏

所奏是朕亦慮其年老悞事候酌定有旨

同日又

奏為恭繳

硃批諭旨事雍正七年四月二十八日臣進摺家人捧
齎

皇上硃批諭旨到甘臣叩頭啟封跪讀

硃批督臣岳鍾琪既當遠出內地彈壓更屬緊要爾豈
宜輕動遵旨行不必再奏欽此臣敬遵

諭旨嚴謹邊防整理營伍操練兵馬勉供職守以仰報

我

皇上隆恩於萬一所有奉到

硃批理合恭繳伏祈

睿鑒謹

奏

覽奏已悉朕於河西諸提鎮中所倚仗者汝也勉之一切地方營伍諸事悉心料理敬慎毋忽

雍正九年九月十八日陝西甘州提督臣宋可進

謹

奏為奏

聞事雍正九年九月十四日

欽差內閣學士班第到甘臣出郊跪請

聖安隨至班第寓所蒙口傳

皇上密旨臣叩頭謝

恩聽受之下感戴無已仰見我

皇上聖謀深遠

睿慮周詳實為防邊禦敵之至計臣愚昧武夫叨蒙
聖恩擢用甘肅提督重任夙夜冰兢惟恐稍有疎懈有
負

聖主倚任隆恩雖當無事之日而小心謹慎時作有事
之防前自逆賊侵犯軍營以及噶斯之哈吉卡倫
臣彼時凜遵

皇上屢次

訓旨不敢輕率臣即移行臣屬各鎮協營整頓兵馬嚴

加防備不可一時疎忽臣查現今提標六鎮除派撥征防之外存營尚有馬步守兵共四萬之多加之滿漢官兵駐防涼寧西肅安西莊浪甘州等處如有賊人窺伺之信足資防禦甘屬沿邊地方可保無虞且仰蒙

皇上指示教訓皆係萬全之良策臣一一欽遵自當臨事相機而行決不敢輕舉妄動貽誤事機今將臣敬謹遵奉

諭旨緣由繕具密摺奏

聞伏乞

皇上睿鑒謹

奏

覽奏知道了勉力固守邊圉諸凡處謹慎毋忽

雍正九年十二月初一日陝西甘州提督臣宋可

進謹

奏為欽奉

上諭事雍正九年十一月二十六日接到領侍衛內大臣公豐勝額等寄字內開雍正九年十一月十四日欽奉

上諭一道臣敬誦之下竊思逆賊出沒其情叵測而兵機變動惟貴相機而行我

皇上聖謨深遠籌畫萬全猶恐逆賊策凌敦多布等窺知阿濟空虛乘冬雪之際來擾昆都崙等處攪亂西面之喀爾喀此誠先事預防之

睿算也臣欽遵

諭旨隨會同署督臣查郎阿酌議今查郎阿在於肅屬
挑選馬六步四兵二千名現駐肅州直隸河南綠
旗兵一千名臣隨在臣標亦挑選馬六步四壯健
兵三千名選派臣標署中營叅將龔以仁署右營
遊擊牛國珍署甘州城守營叅將董庫各領一千
名及守備千把人員將一切軍裝器械騎馱馬匹
俱各整頓齊全竝會商在於昆都崙一帶安設卡

倫不時輪流遠探一有逆賊信息飛報署督臣查
郎阿暨臣會合機宜即發官兵前赴金塔寺鎮夷
及甘州各要口等待察看賊兵情形相機迎剿掃
除逆寇所有遵奉

上諭派撥官兵預備緣由理合繕摺奏

聞伏祈

皇上睿鑒謹

奏

據奏業俱整頓齊全預防遠探甚好其加敬加慎勉為之

雍正十年六月十八日陝西甘州提督臣宋可進
謹

奏為凜奉

上諭叩謝

天恩事雍正十年六月十七日臣接蒙大學士鄂爾泰
張廷玉寄字內開雍正十年六月初六日欽奉

上諭一道臣跪誦之下伏地九叩惶汗靡寧頂感

聖慈不勝戰慄竊念臣庸愚微賤父子叨受

隆恩顯榮已極當此軍興凡一應軍務事宜分應先事

料理以期緩急無誤庶於職任無忝前將調赴軍

營兵丁所需馬匹不能如數摘撥發去之馬仍有

疲瘦不堪疎忽之罪實所難辭今荷蒙

皇上浩蕩洪恩不即嚴加處分

恩賜訓飭臣銜戴

高深既感且愧惟有仰遵

上諭時時警惕竭盡心力督率將弁嚴加淬礪將現在
營馬加意牧養務期臚壯以蓋前愆用濟緩急萬

不敢復蹈前轍以辜負

從前之恩實不比目今宥過之恩重也殊屬可笑

皇上寬貸宥過之恩所有凜奉欽遵緣由謹繕摺

奏謝伏祈

睿鑒謹

奏

朕甚代汝愧之至於復蹈前轍與否在汝捫心自忖耳
雍正十年八月十二日陝西甘州提督臣宋可進
謹

奏為恭繳

硃批諭旨事雍正十年八月初九日從驛發來

奏匣一箇臣跪迎至署啓封敬閱荷蒙

皇上硃批諭旨垂訓諄諄感激泣下痛自刻責慚愧之
心無地可容臣惟有凜遵

聖訓改過自新竭盡心力仰報

隆恩於萬一所有微臣奉到

硃批奏摺理合恭繳伏祈

皇上睿鑒謹

奏

凡人一言之失猶云駟馬難追似此負國誤公縱然悔
艾自新聲價已減大半矣何況改過二字尚在能與不
能之間朕從前知過之恩并期望之意殊屬可惜

硃批諭旨卷一百三十一



總校官庶吉士臣侍朝

校對官庶吉士臣翟槐

謄錄舉人臣葉大奇